

2025EKO ABENDUAREN 4AN TOKIKO GOBERNU BATZORDEAK EGINDAKO APARTEKO BILERAREN AKTA

MODUA: Presentzialki

TOKIA: Batzar aretoa

EGUNA: Laua

HILABETEA: Abendua

URTEA: Bi mila eta hogeita bost.

HASIERAKO ORDUA: Arratsaldeko bostak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-ALIANZA VERDE).

IDAZKARIA: ITZIAR AROZTEGUI APAOLAZA

1.- AURREKO AKTAK. 2025eko urriaren 30eko eta azaroaren 10eko aktak onartzea.

Aho batez onartu dira.

Hasier Agirre Elkoroberezibar jaunak (Beasaingo EH Bildu), eskatu du Osoko Bilkurako aktekin egiten den bezala, Tokiko Gobernu Batzordeko bilerak ere grabatzea.

2.- LURRALDE BATZORDEKO PROPOSAMENAK:

a.- **ESLEIPEN PROPOSAMENA: BEASAINGO BARRENDAIN PLAZA URBANIZATZEKO OBRAK.** 2025PROB0013

Ezagutera eman da 2025-11-21eko kontratazio mahaiaren esleipen-proposamena, hau da:

“1.- 2025-09-25. Gobernu Batzordeak onartu zuen deialdi publikoaren bidez aipatutako obrak kontratatzea. Horretarako proiektua eta baldintza administratiboa plegua, onartu ziren. Prozedura irekia eta arrunta.

2.- 2025-09-26. Euskadiko plataforman deialdia argitaratu zen.

3.- 2025-10-22. Proposamenak aurkezteko epearen amaiera.

4.- Epe horretan enpresa lizitatzailerak aurkeztu ziren:

IFK: A20147724

Sozietate-izena: CONSTRUCCIONES ARTZAMENDI S.A.

Erregistro-data: 2025/10/22 18:07

Erregistro-zenbakia: 2025RTE01431776

IFK: B20890687

Sozietate-izena: CONSTRUCCIONES MOYUA, S.L.

Erregistro-data: 2025/10/22 13:35

Erregistro-zenbakia: 2025RTE01429800

5.- Onartutako pleguaren arabera, honako agiri hauek aurkeztu behar dira A artxibo elektronikoan: EKAB (1. eranskina) eta tituluak.

6.- 2025-10-23. A artxibo elektronikoaren irekiera. Enpresa lizitatzailleek aurkeztutako dokumentazioa kalifikatu ondoren, ondorengo egiaztatu zen:

- Biek EKAB datarekin eta sinatuta aurkeztu zituzten.

- Obra Buruari eskatzen zaion titulua:

- Construcciones Artzamendi, S.A.k, ez du aurkeztu.
- Construcciones Moyua, S.L.k, bai.

Kontratazio-plataformaren bidez egiaztatu zen, biek Kontratisten Erregistroan inskribatuta daudela eta ezaugarrien taulan ageri den sailkapena betetzen dutela: G taldea, 6. azpitaldea eta 4. kategoria.

7.- Horren ondorioz, bi enpresei onartu zitzaion lizitazioan parte hartzea.

8.- 2025-10-29. B artxibo elektronikoaren irekiera burutu zen (judizio bidez baloratuko diren esleipen-irizpideak: Proposamen Teknikoa), 40 puntuekin baloratzen dena.

9.- Lizitatzailleak aurkeztutako dokumentazioa mahaikide teknikoari pasa zitzaion txostena emateko, ezaugarri taularen 9. atalean finkatutako irizpideen arabera.

10.- Proposamen teknika aztertu ondoren, Kontratazio Mahaiko kide teknikoak, balorazio-txostena eman du. Mahaiko gainerako kideek aztertu dute, eta oniritzia eman diote.

Txostenaren edukia espedientean jasota dago eta kontrataziorako plataforman argitaratu da.

Lizitatzailleek lortutako puntuazioa ondorengo izan da:

- CONSTRUCCIONES ARTZAMENDI S.A.: 28,50 puntu

- CONSTRUCCIONES MOYUA, S.L.: 37,00 puntu

11.- 2025-11-20. C artxibo elektronikoaren (formula automatikoen bidez baloratuko diren irizpideak) irekiera ekintza burutu da.

Esleipen irizpideak, 60 puntuekin baloratzen direnak:

- Lizitazioaren prezioa: 1.289.901,36 €+ BEZ: 50 puntu.
- Pleguan ezarritakoa baino berme-epe luzeagoa (urte 1): 10 puntu.

Ireki ondoren, honako eskaintza hau aurkeztu da:

	Eskaintza ekonomikoa	Berme epea
--	----------------------	------------

CONSTRUCCIONES ARTZAMENDI S.A.	1.289.901,36	9
CONSTRUCCIONES MOYUA, S.L.	1.238.305,31	9

Lizitatzailleek guztira lortutako puntuazioa ondorengoa izan da.

	Memoria teknikoa	Eskaintza ekonomikoa	Berre epea	GUZTIRA
CONSTRUCCIONES ARTZAMENDI S.A.	28,50	0,00	10,00	38,50
CONSTRUCCIONES MOYUA, S.L.	37,00	4,00	10,00	51

Horren ondorioz, Kontratazio Mahaiak kontratazio organoari (Gobernu Batzordea) ondorengo erabaki proposamena egiten dio:

Lehenik: CONSTRUCCIONES MOYUA, S.L., enpresari ondorengo obra-kontratua esleitzea: Beasaingo Barrendain plaza urbanizatzea.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa: 1.238.305,31 €+ 260.044,12 €= 1.489.349,43 €.

Laugarren. Egikaritze epea: 6 hilebete. Obra lanak 2026eko urtarrilaren 12an hasi beharko dira

Luzatzeko aukera: EZ

Bosgarren. Berre epea:

Seigarren. Kontratuaren arduraduna, Antolaketa eta Giza Baliabide Burua.

Zazpigarren. Obra-burua Alvaro Herrero Busto jauna izango da, bide, ubide eta portuetako ingeniaria.

Zortzigarren. Esleipendunari eskatzea hamar egun balioduneko epean, errekerimendua egin eta hurrengo egunetik aurrera zenbatzen hasita, kontratazio plataformaren bidez dokumentazio hau aurkez dezala:

1. 61.915,27 €.€ko behin betiko fidantza edo banketxeko abala.
2. Zerga-betebeharak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 600.000,00 €koa.

Bederatzigarren. Fidantza eta bestelako dokumentazioa aurkeztu ondoren, behin betiko esleipena egingo da. Horretarako, Alkateari ahalmena emango zaio, eta, ondoren, dagokion administrazio-kontratua sinatu beharko da."

Hitz egiteko txanda eman ondoren, bildutakoek proposamenarekiko ondorengoa iritzia azaldu dute:

Eva Alvarez Atanes Socialistas Vascos-Euskal Sozialistak udal taldearen bozeramaileak adierazi du antzematen dela memoria teknikoak duen pisua. Bere adostasuna azaldu du proposamenarekiko.

Adur Ugartemendia Leunda jaunak (EAJ-PNV), erantzun du obren afekzio ikuspegitik MOYUAK plangintza hobeagoa egiten duela eta aspektu guztiak kontuan izanda beste enpresak baino memoria tekniko hobeagoa aurkeztu duela eta prezioa baloratzeko erabiltzen den formula matematikoak, ez duela emaitza baldintzatzen egindako eskaintzari puntu gutxi ematen dizkiolako.”

Autobusen geltokei buruz egindako galderari erantzunez, Lurralde batzordeko lehendakariak (Adur Ugartemendia Leunda) esan du, bi geltoki egongo liratekeela, bata KUTXA parean dagoena (egun funtzionatzen ari da, biribilguneak jada bere funtzioa betetzen ez duelako) eta bestea trenaren geltoki ondoan dagoena.

Gaia behar adina eztabaidatu ondoren, bozketa eginda eta aho batez onartu da proposamena.

b.- Obra ziurtagiriak:

- BEASAINGO HAINBAT URBANIZAZIOEN ERALDAKETAKO OBRA LANEN 3. ZIURTAGIRIA. 2025PROB0007

Aho batez onartu da, “Beasaingo hainbat urbanizazioen eraldaketako obra lanen” 3. obra-ziurtagiria, 64.470,63 €koa (BEZ barne).

- BEASAINGO HERRI ARGITERIKO EGUNGO KALEARGIAK DESMUNTATU, ETA LED KALEARGIAK HORNITU ETA MUNTATU. 2 FASEA, EZKIAGA-ERAUSKIN. 2. ZIURTAGIRIA. 2024PROB0004

Aho batez onartu da, “Beasaingo herri argiteriko egungo kaleargiak desmuntatu, eta led kaleargiak hornitu eta muntatu. 2 fasea, Ezkiaga-Erauskin obrei” buruzko 2. obra-ziurtagiria, 18.525,28 €koa (BEZ barne).

4.- ESKAERA ETA GALDERAK

Eskaera eta galderen atalean ez da inolakorik aurkeztu

Eta tratatzeko besterik ezean bilera, seiak bost gutxiagotan amaitu da eta nik, idazkari naizen honek akta hau idatzi eta sinatu dut.